

客越志卷下

詩

姬吳王穉登撰

將遊甬東王青州伯仲見過作

主人出門去客子入門來
 主人為客留若下花前開借問
 客謂誰東海王青州一雙明月珠
 夜照滄溟流人言王家
 太躄直灌夫醉罵程不識我謂王家無世情
 孔融爾汝禰
 正平烈士肝腸鐵一片安能盡逐時人面
 時人面好心如
 雲白衣蒼狗須臾變問我馬何白問我車何素
 知君兄弟
 有心者我為悲辛述其故前年射策遊都下
 腰佩蒯維騎
 瘦馬黑裘半敝難告人朱門欲謁無知者
 汝南相公識我
 早握手交歡盡傾倒此日郝超真再生
 當時項斯何足道
 吟成五字愈頭風奏罷一篇稱麗藻尋常未遇不自憐及

算鶴量鯨室

至相逢方覺好傾都聞知聲嘖嘖紫闥金門皆接席殿中
 薦作校書生橋上推為題柱客刀環築開司隸門馬蹄闌
 入金吾宅灞陵醉尉不敢呵半夜彈箏洛陽陌從來人事
 有變遷從來結交無百年我既還家相公沒長齋繡佛學
 逃禪貝樹為菴深巷裏芙蓉起塔小堂前翟公門第寒如
 水薛公賓客散如烟千金寶劍何人是一束生芻若箇邊
 今朝絮酒兼炙鷄明日千山與萬谿別君不是無雙淚留
 向陳蕃墓上啼

重過寶帶橋寄德安令殷君

郎官出宰日橋上別匆匆舊惜星俱去今憐月不同
 香爐
 千里外瀑布九江中流出桃花色河陽有路通

垂虹亭對月與管建初二首

一片星橋色蒼茫接具區行人問酒價縣令課魚租
 月出

樹皆綠風吹湖半枯還將知己事獨對管夷吾
蘭橈繫夕曛月出水紛紛亭子白虹半江光烏鵲分不知
何處笛只隔一重雲今夜嫦娥意清光多為君

嘉興夜泊

樓船旗鼓舊征夷檣李城邊屢出師河遠戰場俱是箭雨
當蠶月盡如絲寶刀亂後條桑用白馬功成負米騎來泊
闔閭軍敗處越人猶自笑吳兒

宗將軍戰場十首

月黑畊人語隔河見白馬知是精靈歸來向廟門下
河邊枯橈體金鏃射為窟入時何太深碎骨始得出
園中鼠雀盡城裏日傳食為鬼已滅賊何時滅賀蘭
本謂江南樂佩刀居帳下漁陽飲飛士無一生還者
將軍空血戰中丞深閉門桐鄉城北路流水沒孤屯

算鷓鴣聲空室

故劍不可收姓名刻劍匣瑟瑟白楊根虛空葬金甲
射盡白羽箭戰士不肯去春來草痕赤舊日流血處
有家全募士無骨可封侯負却生時相班超是虎頭
結髮為飛騎相從霍冠軍征南諸將士枯骨論功勳
沙場大黃弩將軍在時射賊人得之驚一挽一百石

石門道中懷家兄有年

不遠家山色頻歌行路難桑柔俱是女柳短未成官雨裏
孤舟澁江南五月寒石門花萼近相過問平安

石門奉別家兄

江市南頭雨亂飛匆匆相見便相違姜肱愛弟情難遠劉
仲謀生事豈非剝俗魚鹽多帶劍農家桑柘半無衣西堂
夢裏勞相憶肯為山川久不歸

舟中與建初話舊

十載行藏半未齊
聞君論舊益淒淒
汗從何晏朱衣拭
書覓羊欣白練題
歌是竹枝容易和
淚成珠子不輕啼
干將已是徐君劍
明日扁舟下剡溪

石門曲三首

採桑復採桑
蠶長桑葉齊
妾住石門東
郎住石門西
蠶成桑葉空
門前青苧長
一半織郎衣
一半結魚網
賣絲家復貧
哭解紅羅襦
將絲貫妾淚
可得作明珠

塘栖

水濶雨溟溟
飛帆去不停
人聲兩厓斷
魚市一江腥
雲已辭吳白
山初到越青
侯生數行淚
千里弔玄經

錢塘夜泊

孤舟三日雨
淙淙夜泊錢
家舊建邦
桑過石門青
拂枕水經橋
李黛含窓六
橋花盡休
携酒五月潮
平好渡江
此去

算鶴量鯨室

報恩漸烈士
匣中龍劍氣
難降

送陸文移官海豐丞

官舍有餘清
無言政未成
頭從湖上白
水在橐中輕
過魯無魚食
歸吳借馬行
簿書期儻暇
一問濟南生

大佛寺相傳秦皇繫舟石

孤峯成色相
片月俯湖中
首繫君王艦
今為佛子宮
面寒山氣在
頭綠蘚痕叢
莫問秦朝事
禪心本自空

岳穆武王墓

松栢前朝墓
湖波綠染門
腸堪千古斷
骨有一坏存
烈士人間淚
孤臣地下魂
南枝豈無意
猶似為中原

孤山謁林和靖墓

玉骨舊埋處
草堂今半蕪
橋名堤上六
山色水中孤
墓在梅俱落
神歸鶴可呼
青蘋不用薦
門外是西湖

昭慶寺

兵燹袈裟地壇場一度新佛當興廢劫禪問去來因市酒
僧能戒湖桑寺不貧平生病居士來作社中人

藕花居訪余太史不值

白蓮誰結社十里訪君行載鶴湖中去留僧竹裏迎看花
思寶炬採葉問金莖從此藏書後山將太史名

淨慈寺簡管建初

下馬湖邊寺來參五百尊白蓮依淨社朱塔對慈門水學
禪心定雲將佛面昏不能偕勝侶何以憫羈魂

蘇公堤

芳草路萋萋蘇公舊日堤惟餘數柳臥無復一鶯啼短艇
迷蓮葉輕輿勝馬蹄蕭蕭六橋影斜日自東西

李舍人孤山草堂坐雨

算鶴量鯨室

筍輿行過斷橋來樓上銀鑿水上開白鳥數行猶似鶴青
山五月已無梅雨昏不辨絲千縷湖綠渾疑酒一杯幾欲

題詩題未得舍人元是謫仙才

贈顧杭州貞叔

才高誰識顧君平身著青袍世所輕楊柳不曾湖上看笑
蓉元在幕中生馬頭雲斷家山色官舍潮連夜雨聲流水

白雲心盡折丈夫辛苦為微名

秦觀察招燕衙齋不赴代簡

東書騎馬去蕭蕭折簡深慚寂寥總為青山元不住從
開白社亦難招花當綉斧寒無色柳近霜臺夏已凋明日

還尋嚴子宅聞君曾說富春潮

逆旅書懷寄董子鳴

一片清冰在玉壺為君未價至今無魯連何必諸侯貴季

布空將一諾孤玉獻楚王元是石瑟過齊國不如芋還家
好泛扁舟去同載紅妝下五湖

織錦辭寄侍兒

燈前織錦雨吹窓忽憶行人未渡江織出鴛鴦才一半待
即歸日始成雙

太虛樓呈顧杭州

黃金不惜起高樓云是當年孫仲謀楊柳曾經過五馬桃
花無復識諸侯城中樹白千家夕湖上山寒六月秋莫道
風流無繼者尊前今有顧杭州

紫陽菴丁真人祠

丹壑斷人行琪花洞裏生亂崖兼地破群象逐峰成一石
一雲氣無松無水聲丁生化鶴處蛻骨不勝清

渡錢塘江

錢塘到曉渡寒霧綠纖纖潮色全隨月江流盡是鹽不知
衣袂濕惟有淚痕添何處陳蕃榻傷心老孝廉

夜過山陰二首

一曲清溪一曲歌風流其奈昔人何暮山非雪看皆白流
水如琴聽亦多謝野無棋那可賭蘭亭有酒且相過盤飧
莫笑茅容饌明日書成好換鵝

剡溪新水綠漫漫魯酒銀罌并何寒白日無多容易落青

山一半不曾看千年自欲同徐穉五月非關訪戴安不是

風光堪應接舟中何得客愁寬

夏至日渡曹娥江

會稽逢夏至朝日散群峰問路有千里渡江非一重空山
祠粉黛荒塚葬芙蓉寂寞無人問曹娥與蔡邕

會稽道中

尔平侯

江東名郡古無雙處處青山照玉缸竹箭一流明客枕芙蓉兩岬夾船窓清猿夏斷稽山廟急雨朝平孝女江此地何須欲淪落買臣頭白始為邦

過姚江三首

白雲丹嶂路盤盤千里都從枕上看何必雪中堪訪戴青

山五月自生寒

日日清江日日山看時曲曲聽潺潺誰言江水如衣帶不

繫鄉心一夕還

山縣行來不見花扁舟一葉小如瓜柔腸已作千迴結莫

笑江流曲似蛇

哭袁相公二首

淚痕如雪薦生芻千里風塵酒一壺伯道遺孤安得有中

郎少女亦曾無麒麟乍刻惟新塚烏烏空啼是別離生事

算鶴星餘室

蕭蕭何必問坂田畊石半無租

鶴飛蟬蛻總成塵欲報明珠未得伸山上杜鵑花是烏墓

前翁仲石為人黃腸詔出東園賜白骨家餘南巷貧為

問程公門下士死生誰箇見情真

袁尚寶招飲闕湖書院

謝公花滿野身後得來看星落山川死書藏松桂寒雨中

湖闕澤門下客任安小阮能如叔依然舊日歡

寶雲寺坐雨與張孺穀

麋鹿千年吊越臺水深山曲樹縈迴星依慧日偏能聚雨

為慈雲故未開逆旅相逢我馬白悲歌忽憶野鷹來勞君

結襪心徒在多病王生愧不才

賀監祠

下馬讀殘碑來過賀監祠此邦多綠酒何處問金龜狂客

已隔世仙人今為誰惟餘湖水色猶似乞歸時

包叅軍江樓燕集

青山到門處訪爾暮潮平渡向桃花入樓堪黃鶴名辭官
住柳色留客坐江聲誰謂叅軍老新詩是鮑生

大司馬張公席上作

一見偏勞到處稱憐才真有古人情風雲久已閒兵畧花
木昏能識履聲家在東湖何必賜文如北斗不難成匣中

三尺塵埋盡纜遇張華氣自生

張尚書茂嶼山房兩宿

松風謾謾水潺潺雨裏人家盡掩關堂有雲生名綠野門
將花遶對青山揚亭只許侯巴過陳榻長因徐禩聞此地

山川渾似繡不須留客亦忘還

雨中同諸君遊東錢湖

亂厓層壑水粼粼一見魚舟一問津脩竹到門雲裏寺流
泉入袖雨中人地從南渡多遺恨湖比西家亦效顰酒似

鵝黃人似玉不須深歎客途貧

補陀洞天史丞相所鑿

孤嶼補陀名渾疑海上行渡湖靈境得鑿石洞天成波浪
僧常住魚龍佛放生黃扉與白社一種劫灰平

雨宿大慈寺

破殿丹青盡鐘聲不可聞萬山僧是主一榻虎為群接竹
飲瀑布明燈宿白雲檀那丞相墅積雨壞孤墳

史丞相墓

石馬無精靈雕形為鷓鴣石人寒雲中苦菜生衣裳一坏
青松根漠漠成荒岡借問葬者誰云是史衛王當其初葬

時威儀何煌煌東園出秘器題奏以為藏崔魏偕陵寢高

者如帝皇千年寶玉氣上有青霞光匹夫夜覘之執兵發
玄房丘壑皆哀鳴鬼神亦彷徨何不鑿南山萬世錮黃腸
豐碑天人書零落無成行豈無雲仍孫相視徒悲傷我聞
箕山塚過者不能忘樵蘇莫敢侵俎豆常馨香始知人爵
榮不如清風長陵谷有變遷清風無存亡嗟嗟後來者樹
德乃其良

答周中丞

手持黃鉞靖江藩蕙苾明珠不必論頭白還家仍吐哺官
貧高枕任流言蛟龍獄卽鋒曾出蛟蝶王家閣尚存他日
詩成多寄我鯉魚元不隔吳門

答方別駕

湖海相逢氣自親論交何謂白頭新棠陰匪郡能為政蘭
漿浮江肯借人客裏從誰賦鸚鵡名家元自出麒麟歸時

算鶴星餘室

預掃花間榻君到吳門問隱淪

留別管建初

與君同逆旅而我獨還鄉不論歸先後同為路短長江魚
石首鱸地主畫眉郎莫以能留客瓜時未促裝

奉贈屠中丞

曾向轅門立劍傍十年今日始登堂黃金不問新名將白
羽渾忘舊戰場庭下樹餘開府柏鏡中頭是昔時霜英雄
成敗何須論莫負東山酒一觴

壩上留別張孺毅二首

鷺鳥雖累百不如一鸚好群芳徒娟娟安能及朱草靈物
不世出眾目眩奇寶烈烈張孺生英英躍海島島中照夜
珠明月光浩浩自從生君後瑣瑣不足道結君一十載相
逢恨不早平生重然諾為我乃傾倒送我於海壖把臂心

依依依依亦何為似恨見面稀不恨見面稀所恨知心違
須臾隔雲漢焉得不沾衣

鈷鈷龍雀刀燦燦棠溪鐵潺潺床頭泉皦皦袖中雪層層
赤電影淋淋白蛇血脫君匣間佩就我腰下結贈我豈無

意可以助俠烈平生國士心對面為之熟黔首何紛紛所
貴者豪傑豪傑狗知己豈為眾人說干將刈園葵不如土

中折服之虹霓生慷慨與君別
別余君房

吹竹須吹簫吹簫鳳凰音彈絲須彈琴彈琴山水深羌管
胡琵琶聽之淒以沉但知娛人耳不知傷人心大雅不可

作處士為悲吟悲吟亦徒快激烈不可任君本握芳蘭盈
盈王者香勿慕龍與麝鬱鬱反其常良玉自溫潤不能掩

清光層冰何燦爛其質乃寒涼莫以百鍊心化為舌上剛
算鶴量鱗室

與君日以遠不惜傾肝腸惠而能好我和以頃篋章
別張徵孺

穆矣張仲子玲瓏懷縣黎韜光斂其英過者昏如迷誰知
第五才乃與嫖騎齊與君十日交別我意淒淒執手零雨

中臨河惜解携君本風雲姿安得久蟠泥鳳鳥不受樊麟
麟不服輓龍錦不製袴牛刀不割鷄志士苟未遇自古亦

卑栖桃李雖無言終當自成谿
月下過中壩

月裏輕舟上急灘空中瀑布捲簾看無風自覺衣裳薄始
信瞿塘六月寒

青芋孤帆蓮葉舟夜深行過碧溪流塗山玉帛千年事遠
水寒雲滿郡樓

武林舟中見月懷建初
武林門外月如鈎
乍出還遮不可留
莫恠嫦娥光易散
隨君今夜在明州

平望夜泊四首

魚鱗成石量桑葉
論斤賣珍重
絲網難家家
月中曬雨多
楊梅爛青筐
滿山市兒女
當夕食
媽然口唇紫
月下壓酒聲
將船繫楊柳
明日到家近
不須沽一斗
店傍栽紫薇
顏色闌江霞
我家庭下樹
歸日正開花

還家作

游子江東倦行役
還家登堂草盈尺
花枝三樹四樹紅
頭髮一絲半絲白
囊中猶自有殘錢
盡買楊梅飽食眠
門外幸無騎馬客
清香細雨佛燈前

文

祭袁文榮公文

嗚呼女悅為容
士悅忘死
忘死者何以狗
知己甲子之歲
薄遊燕山
黑貂蒙茸
黃塵滿顏
寶刀天寒一尺
雪片筑傍
睥睨酒人
勾踐未識
項斯公何以稱
一見握手
歡如平生
布衣來登平津之閣
風動帳開
却超入幕
丞相憐才
書生薄命
骨如垂楊
馬卿善病
我病公憂
我差公喜
公來問病
病亦良已
昊天不弔
喪我嚴君
峽猿三聲
鄰家畏聞
公曰
王生戚何益也
勿以亡者而易生者
臯魚淚絲沾袖
成血
生我知我寸腸
雙結柳色折下
青青可哀
苟無相忘
何日能來
千里還家
崩魂碎鬼
貧里寢苦
門外無客
公病莫聞
一日心動
山川不隔
蝴蝶入夢
飛鴻嘖嘖
雲裏一札
或沉
或浮
公胡不答
馬上郵書
公乞骸骨
天言憫留
勉旃
藥物珍饌
名醪銀鬕
翠釜命醫
絡繹詔使
旁午寸疏
涕泣

恩深未忍柴毀日削三上乃允樓船渡河大星忽墜
雲漢夜黑流光入地去年端陽江雨江烟白幘哭公甘露
寺前蓋棺事定橐裝如水既為公悲亦為公喜輜車過門
鷄黍不設非敢獨後以待臨穴昔公面命子定吾詩後世
謂誰誰當相知陽水之托庶幾努力豈以黃泉負此白日
浣仄以布濯錦以魚疇能益公盡此區區山水重重曹江
禹門六月生芻揮汗來奔焚公之詩酌酒一斛公豈不知
而不能讀匣中赤精丘壑自衛挂公墓木芙蓉憔悴烈士
無淚淚為明珠今日數行為公目枯烏呼哀哉

延陵吳氏蕭涑齋雕

容越志卷下